

度

支

奏

議

度支奏議卷之七

太子太保戶部尚書淄青畢自嚴視草

題覆山西兵荒給餉十萬疏

題爲秦賊以晉爲壑晉軍饑難用命秦賊披猖無
已晉地殘破難堪謹畫救然眉急着仰乞

聖裁以定內亂事邊餉司案呈崇禎四年三月初十
日奉本部送戶科抄出署科事給事中裴君賜
題前事內稱晉軍之餉在崇禎三年者戶部給
發如額然而從前之京運民運俱欠不貲三關

地方旱魃頻仍斗米四錢奚怪其無事而避

庚癸有事而望風喙窠等因本年三月初九日

奉

聖旨流賊相機勦撫秦晉併力協鬪已經屢飭何得藉口互諉自相疑貳缺餉着該部遵旨措給其賑恤耗搭等項着該撫按嚴飭道府有司悉心設處加意釐剔如有怠玩溺職及貪肆不悛的卽指名叅來重治王圖駿沈國柱該部查議來說王域旣經察處姑不深究該衙門知道欽此又奉本部送

戶科抄出山西巡撫宋統殷頤爲饑軍思亂
虞微臣義難緘嘿懇祈

聖明立賜拯救以安反側以奠危疆事內稱山右一
區不幸而被秦寇之擾無奈餉以逆欠而多軍
以餉缺而變况值年歲荒歉斗石四錢而又客
兵雲集所需糧草米珠薪桂羅前所仰望
者惟有京民二運查三關京運年通欠至一
百五十餘萬歲前南行道經寧以各軍擁門哭
訴云奉新行只給見今月餉不能歷過之餉

時洶洶之狀幾不可以理解然即欠內原係
新補舊今已三閱月新者尚不能按月况舊欠
乎秦晉饑荒相同賊患相同在秦者已蒙

發帑賑恤晉中卽未敢比例而所應還鉛價與遞欠
京運望爲起死回生之劑等因本年三月十六

日奉

聖旨三晉歲歉軍興委難缺餉這奏內京運積欠數
多着戶部先將近年應給的速行措濟其鉛價借
用民運作何抵補工部卽與酌覆欽此欽遵遵抄

到部通送到司除明功罪審勦撫及賑恤耗折
并補還鉛價等項合聽吏兵工部具覆外案呈
到部該臣等看得流賊猖獗三晉首當其鋒朋
掠暗誘邑破人逃彼中軍士蓋已無日不干戈
無人不介胄所需糧餉誠不啻急若然眉也者

科臣與 熊臣交章疾呼奉有

明旨責成臣部措發但歷年壓欠數多一時補償不
易復奉

明綸着令臣部先將近年應給的速行措濟餘俟新

圖找補大哉

王言酌盈虛以衡內外權緩急而定後先臣等敢
悉索以應仰舒

皇上西顧之 爰案查崇禎三年該鎮額餉無欠卽今
四年京運亦已按月給發不愆期會止有崇禎
元年年例尚欠八萬一千三百五十二兩三錢
二年年例尚欠二萬七千五百六十五兩零以
上共欠該鎮年例銀十萬八千九百一十餘兩
又查見今應發該鎮夏季年例共該銀五萬一

千五百七十五兩臣等曲體晉中危迫之情酌量臣部見在之餉卽于太倉銀庫劄發銀五萬一千五百七十五兩悉付新任糧儲主事李不伐隨便帶往以抵本年夏季應發之數以省重複題差之擾且恐師旅鱗集供億煩夥仍於該省崇禎四年加派新餉內扣留五萬兩就便支給以抵崇禎元二兩年之欠且免等待跋涉之煩臣部竭蹶灌輸誠不遺餘力矣此外尚少該鎮舊欠銀五萬餘兩合俟外解到日陸續補發

至于糧晉客兵所支月餉取給于臣部者
不貲察臣通融銷筭於以資飽騰而莫封疆在
此舉也伏乞

勅下臣部轉行山西督撫巡按衙門遵奉施行

崇禎四三月二十五日具題本月二十六日奉

聖旨山西兵荒交集需餉甚殷其夏季年例并扣留
四年分加派新餉共十萬餘兩依議給與以佐軍
興餘仍陸續措發該鎮既藉飽騰亟圖勦定毋累
老師糜費目下嚴譴兵部便行馬上傳飭欽此

再題淮課分季徵解疏

題爲淮課半年一解邊軍需餉甚殷謹申季徵之法以便輸輓以濟然眉事邊餉司案呈崇禎三年正月內該本部題爲虜患方殷匱乏無措請乞亟

勅差官守催以濟軍需事內稱查得各處鹽課如長蘆山東等處俱係陸續徵解惟兩淮兩浙則分春秋二運兩浙銀數無多解運頗易而兩淮新舊鹽課不下八九十萬每解輒至四五十萬如

必候齊而解決至就費時日銀數既多無
運艱難不得且暮卽至且當軍興需餉如捧
沃焦之時寧能坐待半年合自崇禎三年起
爲四季徵解於商旣無毫損於

國實在裨益何憚而不爲乎顧鹽臣亟爲改絃無
拘往例可也并議差官守催緣繇于本年正月
十四日奉

聖旨這差官守催鹽課分解俱依擬行欽此已行該
運司按季徵解去後及運司仍照舊例兩次解

給過崇禎三年軍餉數目疏

題爲京運期匝一年正額幸無虧欠恭報給發
完之數仰舒

聖懷并懇

俯鑒司屬微勞准與開復事山西邊餉清吏司案呈
到部該臣等看得九邊軍餉關切封疆轉輸
億從來稱難况時方多故抑又難之難矣臣等
雖身任勞怨備嘗艱苦然缺餉孔多既苦按月
之湊給不易且外解常緩又苦從前之積欠難

完蓋岌岌乎恒有朝不謀夕之憂焉幸

皇上中天照臨迅霆時發向來之積玩積弛靡不

其情隱振其贖聾用是差出卿寺諸臣獲奉

威靈勤督催于省直之外臣等與邊餉司官喻思

得藉

明綸盡綜爰于

輦轂之下緣是灌輸糜至沛發星馳而崇禎三年分

邊餉不惟現額不虧抑且舊欠漸補庶幾完

歲之局矣謹將發過錢糧細數備爲我

皇上陳之一薊州鎮額銀三十一萬五百五十三兩
六錢零今陸續發委官郝奎光曹愈新等領
銀二十九萬五千五百五十三兩六錢零銅錢
九千七百五十萬文折銀一萬五千兩共發過
三十一萬五百五十三兩六錢零俱全完訖一
密雲鎮額銀二十七萬八千三十四兩九錢零
今陸續發委官劉徵遠倪光祿領銀二十七
萬八千三十四兩九錢零俱全完訖一永平鎮
額銀二十九萬七千四百五十八兩零今陸續

發過委官陳慶吉喬裕林等領銀二千三百

千四百五十八兩零俱全完訖一昌平鎮額銀

一十二萬四千五百一十六兩八錢二分零全

陸續發過委官李繼宗羅允登等領銀十一萬

四千六百二十九兩二錢允給保定府民兵銀

八千兩允給過昌平州莊罰銀二千三百四十

一兩二錢一分共扣發過銀十二萬四千九百

七十兩四錢一分零除全完外多發銀四百五

十三兩五錢八分七厘三毫作崇禎四年分奉

發之數一易州鎮額銀一十四萬六千五百
十五兩六錢二分今陸續發過委官夏時熙
效忠等領銀一十一萬八千六百五十六兩
錢二分零并扣留餉司劉象瑤戴金節省銀一
萬七千八百七十六兩五錢捐助銀六十三兩
共扣發過銀一十四萬六千五百九十五兩六
錢二分俱全完訖一宜府鎮額該銀二十九萬
九千一百五十六兩七錢今陸續發過本部題
差主事李士元照磨萬鍊等領銀一十七萬

發過談鎮委官王宣王嘉相銀一十
六千二百三十一兩三錢九分五厘發防守
將張景珠領行糧銀二千三百八十二兩四
八分援兵高璉領月餉九百四十八兩又保
民運扣抵京運銀五千二百二十九兩九錢
留犯官李樹初贖罰銀二千八百七十六兩二
錢五分扣留汰冗銀三百七十九兩一錢七分
五厘扣留犯官張守業剩下一官銀并買馬銀
千一百九兩五錢共扣發過銀二十九萬九千

一百五十六兩七錢俱全完訖一大同鎮新
四十五萬六百三十八兩今陸續發過本部
差主事王國祚照磨萬鍊等領銀十七萬二千
一十一兩發該鎮委官顧承爵焦垣等領二十
五萬二千九百九十七兩六錢三釐四毫又撫
院扣留裁省銀九千五百一十九兩一錢四分
餉司劉彝鼎周維新呈報節省官丁廩給糧布
銀二千三百四十兩七錢二釐六毫扣留冰炭
銀七百三十八兩五錢五分四釐允留大同

新餉抵還舊餉銀一萬三千三百一十兩

過銀四十五萬六百三十八兩俱全完訖一

西鎮額銀二十萬六千三百兩今陸續發過

差中書董繼舒行人邱其昌等領銀一十萬

發該鎮委官王孟祥劉有聲等領銀九萬兩

扣留汰冗銀一萬三千九百一十三兩五錢四

分五厘扣留撫院贓罰銀一千五百兩扣留

官張述堪等紙穀贓銀一千一百兩六錢五分

共扣發過銀二十萬六千五百一十四兩二錢

九分五釐除全完外多發銀二百一十四兩
錢九分五釐作崇禎二年分積欠之數一延熹
鎮額銀四十一萬一千六百兩一錢四分今陸
續發過本部題差主事沈謨張伯鯨等領銀一
十三萬一千五百一兩六錢一分發過該鎮委
官白玉沈澆等領銀一十七萬五千兩發過提
兵吳國俊王可望等領月餉銀一萬一千五百
四十九兩九錢五分又發回餉司捐助銀一百
一十兩扣留犯官吏永裕程士升康大猷等

罰銀七千三百一兩九錢二分五釐

鹽茶各衙門贖贖并本鎮附餘等銀二千二百四十五兩總督巡按扣留裁省銀一萬三千九百五十兩四川改解銀四萬兩允留新餉抵還舊餉銀三萬七千兩共扣發過銀四十一萬八千六百五十八兩四錢八分五釐除全完外發銀七千五十八兩三錢四分五釐作崇禎三年分積欠之數一寧夏鎮額銀一十二萬八千二百六兩七錢九分今陸續發過本部題差

會夏仁忠主事李學禮領銀五萬兩發該鎮
官王任賢熊羆領銀三萬五千兩又發過援
參將盧文善領月餉銀五百二十兩又扣留
官虎力贖銀一十五兩巡按扣留裁省等銀一
千九百九十一兩四錢兌扣小池鹽課銀一萬
三千二百四十二兩四川鹽銀一萬二千五
百兩充留新餉抵還舊餉銀一萬五千兩共扣
發過銀一十二萬八千二百六十八兩四錢除
全完外多發銀六十一兩六錢一分作崇禎

年分積欠之數計在庫銀一十一萬兩

八十七兩七錢七分九厘今陸續發過本部
差中書劉日俊李化桂等領銀一十一萬兩
過該鎮委官融得化楊威等領銀四萬兩又
回餉司捐助銀一百一兩發過密雲餉司轉
援兵布花銀九百八十九兩扣留汰冗銀一
四百五十九兩三錢每年新墾荒地銀八千
百三十兩四川改解銀二萬兩共扣發過銀
八萬一千四百七十九兩三錢除全完外

銀五百九十一兩五錢二分一厘作崇禎三年
分積欠之數一固原鎮崇禎三年分額銀一
四萬五千八百二十三兩九錢二分六釐今陸續
續發過本部題差署丞楊建邦中書梁招孟等
領銀七萬一千七百八十七兩五錢一分一厘
發該鎮委官白可文領銀一萬兩又發援兵糧
官長捷揚藍張陳趙秉仁等領月餉銀一萬一
百二十四兩七錢發密雲餉司轉給援兵布花
銀一千九百六兩五錢扣留缺官俸薪稅契等

銀六千六百八十三兩五錢三分八厘

扣留裁者銀二千三百八十六兩四錢七分

厘四川改解銀二萬七千九百三十五兩二錢

兌留新餉抵還舊餉銀一萬五千兩共扣發過

銀一十四萬五千八百二十三兩九錢二分六厘

厘俱全完訖一下馬關額銀四萬二千三百七

十二兩九錢六分今陸續發過本部題差尚實

司卿徐元案簡較張士瑄等領銀三萬三千三

百八十六兩七錢二分發過該鎮委官吉蔭祥

領銀五千兩又發過援兵委官印表揚王庭
天龍等領月餉銀三千九百九十二兩扣留
官許尚捐助并事例銀二千四百兩共扣發
銀四萬四千七百七十八兩七錢二分除全
外多發銀二千四百五兩七錢零作崇禎二年
分積欠之數以上給發各鎮不獨本年額餉俱
足且內有多發者兼以補充積欠矣乃此外又
有找補易州鎮崇禎二年分積欠扣留餉司節
省銀一萬兩找補宜府鎮積欠銀二萬兩又給

赴防參將張景來領補花銀四百四十五兩
錢俱抵宣鎮崇禎二年分補欠之數找補大順
鎮崇禎二年分積欠銀二萬兩并餉司劉葵鼎
報留節省銀二千二百三十八兩三錢零找補
山西鎮征勦流賊寧夏總兵尤世祿行糧銀
千兩貴州都司林耀行月糧一萬七千五百
十八兩四錢俱作崇禎元二年分積欠之數找
補延綏鎮崇禎二年分積欠銀三萬兩合計
年之內共劄發補給三百九萬五千一百兩

八兩四錢五分零實浮於原額者一十一萬
千三兩二錢三分零矣追憶臣以崇禎元年八
月中旬抵任本年兵餉強半皆前官事臣雖竭
蹶料理尚無頭緒未能盡完崇禎二年臣按月
給發春夏二季年例曾具疏報竣嗣以虜警費
奢途阻亦未遂能如願故崇禎元年惟宜府次
同全完崇禎二年惟寧夏固原全完而其餘則
不能矣今崇禎三年分九邊年例按月按數圓
滿無缺近如密雲永平二鎮盡改壓支爲見款

其餘諸鎮且浸假而補贖欠且次第而類
總緣給發之贏餘遂致樽節之輩出此亦近年
以來所絕無而僅見者也若非仰徼

皇上之赫濯提携一世之朝氣而鼓舞之臣等安所
藉以終一歲之局而自逭于罪戾哉乃若專理
邊餉司郎中今降二級喻思慥宵旦經營瞬息
靡遑苟有利於封疆卽頂踵之弗恤一應駁查
督催皆其經手奉行一切給發扣留皆其嘔心
銷算雖本官不敢自以爲勞而循例自應優敘

者也但查本官于去年因簡舉認罪一疏錢糧
數目偶誤奉

旨着降二級策勵供職今能黽勉末路以收桑榆之
効其於

皇上策勵之

旨庶幾其無負矣仰祈

皇上俯賜鑒宥准與開復不惟本官益將勉圖報稱
而凡在臣庶無不感

浩蕩之仁而爭自奮迅矣惟

聖明垂察焉臣等可勝惶悚隕越待

命之至等因於崇禎四年四月初一日太子太保

部尚書畢 等具題本月初五日奉

聖旨這給發過三年分邊餉數目知道了喻思慥無
効有勤勞准免降級吏部知道內尚寶司訛作素
更正行欽此

題餉司戴金劉彝節省助餉疏

題爲直隸節省之徵忱以佐軍馬之急需仰祈

聖裁以固邊圉事邊餉司案呈崇禎四年正月二十

七日奉本部送戶科抄出易州糧儲主事戴金

奏前事內稱本鎮標騎等營軍士例有出防相

應先給三月糧料一時指處甚難查有節省應

銀六千七百二十二兩一錢八分零又查扣還

銀一千一十九兩三錢二分零計受事六個月

二項節省見在存銀共七千七百四十一兩五

錢零抵崇禎三年分年例給爲防兵糧

等因本年正月二十五日奉

聖旨戶部知道欽此欽遵抄出到部送司案查崇禎三年十月內奉本部送據大同糧儲劉舜鼎呈稱本職稽覈叅遊守操等官陞遷事故截日應給并任內應扣截支糧布零星攢聚共得銀一千八百六十兩六錢八分二毫八絲相應呈請合候劄示於崇禎三年分年例內扣抵等因到部奉批該司原詳不報羨餘而曠日廩糧稽覈

節省仍得一千八百六十餘金扣抵年例誠
裨於軍餉准作正支銷仍候年終類題送司
經呈堂如議劄行該司去訖相應一併具題
呈到部該臣等看得九邊軍餉歲用不貲目今
外解日稀太倉如洗各鎮營伍方需按月之
而出防軍丁又希先時之發調停緩急而輕
重矣先據雲鎮餉司
劉彝鼎呈報節省銀一千八百六十兩六錢八
分二毫八絲茲據易州鎮餉司戴金

奏報慶事六月節省賑款道官三項

百四十一兩五錢零俱抵崇禎三年分年例
數而易鎮銀項卽應如戴金所議准爲預給
兵三月糧料之需以上二項雖爲數無多但
今索餉如焚補奏維艱之日餉無新舊均期
劑之宜數無多寡總堪濟急之物且劉彝鼎
放軍餉俱照京庫允支不染纖塵不報贏羨
無意中亦能節縮幾二千金戴金受事甫六
卽以七千七百四十兩報

以假而期月而抵

其節省寧可限量哉二臣卽無意于炫耀而
部不得不亟爲表章從此以一鎮爲衆鎮之
而以錙銖成鉅萬之積則所裨益於軍餉者
矣旣經該鎮餉司具奏并該司查報前來相應
覆

請恭候

命下臣部移文該鎮餉司遵奉施行

崇禎四年四月初七日具

題本月初十日奉

聖旨知道了。餉司節省。願餘有裨國計。但不得
報美致失士心。爾部還行傳飭。欽此。

再覆查叅朝覲官員舊餉錢糧疏

題爲

朝宗畢集考課宜殷敬扞一得之忱以佐九邊之急事邊餉司案呈崇禎三年十二月二十六日奉本部送戶科抄出督理邊餉左侍郎康新民題前事等因奉

聖旨錢糧款項甚多稽核難清今各官入覲正可面相磨筭依議着各藩司專摘京邊完欠一項開造簡明文冊及經管職名備細報部爾部會同該科

速查集結方與通關核解足額的咨會吏部
不及分數的照例查叅如藩司通同隱匿一併
處該部知道欽此又查崇禎三年十一月二十二
日先該專管查覈餉務戶科給事中許世蓋題
爲舊餉原與新餉共急等事奉

聖旨新餉各有定額豈得急新緩舊那移塞責據奏
舊餉尚欠七十餘萬各邊鎮支給何賴着該撫
確查實欠緣繇嚴督起解定限明春全完其未定
地方司府州縣停其陞轉行取仍着戴罪催徵違

限的照加等罰例悉遵前旨行該部知道欽此欽
遵通抄到部轉送到司案照先年題

准大計查叅事例凡欠一分者住俸二分三分者降
俸二級四分五分者降職二級俱戴罪督催六
分七分者降職二級起送吏部調用八分者革
職爲民災疲地方照例減等其布政司并各府
掌印管糧等官總計所屬州縣完欠分數一併
查叅惟是欠二分者方准住俸未完四分以上
者降俸等項與州縣同亦不許陞考署印官止

以署事月日計算未完二分
以上罰俸
四分以上罰俸四個月六分以上罰俸半年八
分以上罰俸一年陞任調任者行見任衙門罰
俸又查天啓四年十二月內題

准加等新例欠一分者住俸今改降俸一級欠二分
三分者降俸二級今改降職一級欠四分五分
者降職二級今改降職三級俱戴罪督催欠六
分七分者降職二級起送吏部調用今改降職
三級起送吏部調用欠八分者革職爲民司府

一體叅罰又查崇禎四年二月內該本部題同
前事奉

聖旨邊餉措發踰期動稱外解不至目今詳查省直
欠數輒云僅止分釐前後自相矛盾錢糧竟歸何
處且逐年完欠數目與向來開報多寡參差是何
緣故還着該部同該科逐款磨對確數另疏奏查
至崇禎三年京邊已經見徵在官扣新補舊希免
叅罰倖弊實多如待四年秋冬始行題叅銀旣那
移官多更替何以清釐耗蠹還着再行覈議來說

該衙門知道欽此欽遵抄出到部送司除各
并直隸各府已經本部分別勸懲照例具覆外
所有各府州縣印官完欠自天啓七年以及崇
禎元二年并三年京邊分數查覈已明相應具
覆案呈到部該臣等看得錢糧爲軍

國急需催科爲有司先務故計吏之典首核完欠
蓋

國計虧盈民生肥瘠惟有司見聞最真而調劑最
便也適因軍興繁費

國用告訕太倉匱乏惟今爲甚值今計吏之時督
餉部科亟請行考課法奉有

明旨臣等欽遵卽會部科集各省藩司及直隸各府
而面質之若完若欠較若列眉應勸應懲難逃
形影臣等于本年二三月內先後兩疏業已將
各藩司及直隸各府分別擬議遵照新例題叅
矣試思各司府之積逋誰實爲之其因欠而被
叅誰實致之則各郡邑長令何所逃罪而查叅
之法是當繼司府而亟議者也查往例

大計後臣部例有考成查叅之法茲又屢奉

新旨昭日星而凜鐵鉞除山西陝西廣西雲貴原無
京邊并四川查係雜項奏解從無州縣細數報
部例不叅罰其餘坐派京邊省直地方業令各
司遵奉新舊

明旨逐一查筭造送分數前來除各官全完欠少者
照例免議及雖有連欠見經察處爲民間往事
故等項法無可加俱不再開外今將天啓七年
起至崇禎三年止各照見徵壓徵年分逐項細

殿祗循往歲及近日巡視太倉科院中爲
查叅則例或一人止管一年者則按年扣算
一人經承數年者則合年通算總期于因年
官因官責成令急公者爭相勸勉而惰窳者
避無庸謹據實分別爲我

皇上陳之如欠一分以上者天啓七年分經管則
南直宜興縣調嘉興縣知縣駱天閏吳江縣署
印同知伍維新無錫縣接管署印同知王佐嘉
定縣署印同知劉成美河南宜陽縣知縣包

廷崇禎元年分經管則有河南河

降級知府吳國禎永寧縣丁憂知縣唐勳

二年分經管則有河南鞏縣知縣原鍾潢

東安縣知縣今丁憂盧龍躍崇禎三年分經

則有浙江杭州府知府萬國相台州府知府

梅處州府知府徐維藩寧海縣知縣嚴鑑瑞

縣知縣沈龍躍縉雲縣知縣陳世忠湖廣長沙

府知府沈立義常德府知府鄭時舉竹谿縣

縣張德行新化縣知縣趙士龍茶陵州今察

調簡知州吳襄武昌縣今察處調簡知縣王
通山縣今察處調簡知縣海張江西臨江府知
府王建忠山東濟寧州知州陶爽齡福山縣知
縣彭華輝泗水縣知縣李和貴滕縣知縣荆
植平陰縣知縣郭延芳齊東縣知縣胡靖共平
原縣知縣王汝玉長山縣知縣晉其愚獲嘉縣
署印照磨粟可仕知縣知縣蔡邦瑞寶豐縣知
縣張問行江西鉛山縣今陞大同府同知吳照
亮經管二三年分湖廣澧州知州王敦德河

南齊州縣知縣無印者以上各官俱

上舊例住俸今照新例除陞任調任者行見任
衙門罰俸二個月署印者罰俸一個月其見任
者俱改降俸一級戴罪督催者也欠二分三分
以上者天啓七年分經管則有山東寧陽縣知

縣今陞慶陽府同知張子恭河南永寧縣署印
同知今陞刑部員外張應詒南直鹽城縣署印
同知楊春青蒲縣署印通判今陞運同李之桂
崇禎元年分經管則有山東肥城縣知縣翟

雲東平州被劾知州趙之璧河南杞縣知縣
今陞南京兵馬丁仕俊南直長洲縣知縣朱經
發崇禎二年分經管則有河南登封縣知縣今
陞大理寺右評事郝弘猷南直長洲縣署印同
知王良直北直通州被劾知州王曰善崇禎三
年分經管則有浙江嘉興府今察處降級知府
李仕亨仁和縣今察處降級知縣王末吉秀水
縣知縣田見龍新昌縣知縣趙應禎嘉善縣知
縣蔡鵬霄浦江縣知縣吳瓚江西袁州府知府

田有年安福縣知縣陳昺虞餘干縣今察處
簡知縣和登泰湖廣武昌府知府王聘襄陽府
知府于發藻柳州知州趙士直隨州知州陳昌
謨靖州知州余興賢歙水縣知縣李汝燦新寧
縣知縣陳懋官桃源縣知縣聶于勤龍陽縣知
縣鄭國仕善化縣知縣黃承中山東蒲臺縣知
縣金孔器海豐縣知縣段文炫嶧縣知縣薛治
安招遠縣今察處降級知縣邵懷崇河南陝州
知州程式孟盧氏縣知縣計于民閔鄉縣今察

處降級知縣沈時龍羅山縣知縣姚士恒西華
縣署印知事曹明輔南直丹陽縣知縣蔡如惠
經管元二三年南直高淳縣知縣陞常州府同
知今察處降級莊鐸江西上高縣知縣費彥芳
湖廣蘄州知州張叔鑑松滋縣知縣費應宿經
管二三兩年分浙江嘉興縣知縣今察處調簡
王驥歸安縣知縣張孫振東陽縣知縣鄭爲武
義縣知縣舒自志義烏縣知縣許成楚武康縣
今察處調簡知縣章文岳江西南昌府知府郭

澆澆廣漢陽縣知縣楊四知咸寧縣知縣

嘉魚縣知縣陳定羅田縣知縣楊見龍安陸縣

知縣楊秀獬應城縣知縣張聯象監利縣知縣

張五服臨湘縣知縣朱應聘山東泰安州察處

降汲知州陳應元南直旌德縣知縣程萬里經

管元二三等年分江西高安縣知縣陳從教湖

廣岳州府知府程道行承天府今告病知府劉

體仁荊門州知州嚴中立麻城縣知縣蔣燧

陽縣知縣王芳年蒲圻縣知縣林增志景陵縣

知縣楊一似華容縣知縣胡順慈利縣知縣
大名麻陽縣知縣洪化行黃梅縣知縣周歆
鄉縣今察處降級知縣陳臣訓常寧縣今察
降級知縣孔一貫石首縣知縣察處降級知縣
陳中生經管七元二三等年分湖廣潛江縣知
縣李自問大冶縣今察處降級知縣林縉南
吳縣察處調簡知縣陳文瑞青浦縣知縣朱
元以上各官俱欠二分三分以上舊例降俸
級今照新例除陞任調任者行見任衙門

據前月者

職一級戴非督催者也夫四分五分以上者
啓七年分經管則有南直上海縣今察處
丁憂知縣陳四賓崇禎元年分經管則有南
上海縣知縣陳昌胤崇禎二年分經管則有
直句容縣今調太平縣知縣魏公韓崇禎三
分經管則有浙江金華府知府陳其仁湖州
今察處調簡知府金廷璧安吉州今察處降
知州孫幼孜平湖縣知縣賴垓烏程縣知縣

開文江西南康府知府張善治新昌縣知縣
時揚宜春縣知縣王沾祐萬載縣知縣章明
廬陵縣知縣雍鳴鸞泰和縣知縣徐行忠永
縣今察處降級知縣王世楠樂安縣知縣阮
道東鄉縣知縣王揚基樂平縣知縣趙壁新建
縣知縣王士譽豐城縣知縣謝文龍新喻縣
察處降級知縣巫子肖都昌縣知縣劉暹建
縣知縣陳燧安義縣今察處降級知縣陳善
靖安縣署印通判周起龍峽江縣知縣陞

宋府審察使周學崇仁縣今無處降

緬廣永州府知府金維基德安府知府陳策

陽縣知縣徐應問黃岡縣知縣吳允初枝江

知縣陳祺孝感縣知縣高奇英安化縣知縣

陸

岷府審理蔣允亨當陽縣今察處降級知縣任

河南伊陽縣知縣宋師琦魯山縣署印知縣

問行山東鄒城縣今察處調簡知縣周官新

縣知縣胡向化南直上元縣知縣官成江寧

知縣鄭九烟高淳縣知縣梁一孚句容縣知縣
文廷望繁縣知縣葉高標縣知縣馮盛期溧
陽縣知縣丁聖明建平縣知縣唐良錦常熟縣
知縣楊鼎熙崇明縣知縣蔣尚璋江陰縣知縣
吳鼎泰溧水縣知縣今丁憂曾就義經管二三
兩年分江西瑞州府知府馬維陞奉新縣知縣
今察處降級王倬然浙江景寧縣知縣唐永思
湖廣通城縣知縣戴明聖廣濟縣知縣周驥醇
零縣知縣朱三才以上各官俱欠四分五分以

上舊例降職三級今照舊例降職三級

見任衙門罰俸半年署印者罰俸四個月其
任者俱改降職三級戴罪督催者也欠六分
分以上者天啓七年分經管則有南直清河
署印教諭呂會章崇禎元年分經管則有南
崑山縣署印同知蔣爾第崇禎二年分經管
有河南信陽州知州羅嘉燦崇禎三年分經
則有湖廣黃州府今被論知府閻顧行荊州
知府今拾遺察處胡公冑應山縣知縣全

祁陽縣知縣丁永初浙江永康縣知縣謝啓
德清縣知縣胡景宏山東新城縣今察處降
知縣田旣庭河南信陽州署印通判朱基昌
陽縣署印通判張鳳翔延津縣知縣鄭光世
管二三兩年分南直上海縣今察處降級知縣
熊經以上各官俱欠六分七分以上舊例降
二級今照新例除陞任調任者行見任衙門罰
俸一年署印者罰俸半年其見任者俱應降
三級起送吏部調用者也欠八分九分并全

元祐七年分經管則有南直

同知唐之隆沐陽縣署印同知劉在璟崇禎

年分經管則有江西豐城縣署印同知羅賓

崇禎三年分經管則有湖廣沔陽州今被劾

州黃必演黃安縣知縣王喜善浙江崇德縣

縣龔立本孝豐縣知縣馮士衡僊居縣知縣

彥鯤河南靈寶縣署印通判施沛南直桃源

知縣鄭贊經管元二兩年分桃源縣知縣

補貴池縣教諭吳鳳來以上各官俱欠八分

分并全未完陞任調任者降職二級起送吏部
調用署印者罰俸一年其見任者俱應革職
民者也內桃源縣原係災疲地方例不與他
並論應照減等例降職三級戴罪督催統而
之府州縣之拖欠其分數固自不等其年分亦
甚相懸如天啓七年崇禎元二兩年時過例
無論見徵歷徵照新例一體查叅是諸臣自有
之分數卽諸臣自具之罪案臣部不過代爲
分別耳惟三年分京邊錢糧舊例必俟四年

冬始行查叅且中據有應查者
冊多有并三年分完欠數目亦不造報者
向來相沿之積習也臣部遵奉

新旨業已同前三年一體查叅但前此未經申明
一旦叅罰較往日太早且視往例較重各該
司雖欲懲艾自奮其道無繇也合無于未完
七分并八九分及全未完例應赴部調用及
職爲民者查係三年未完錢糧同災渡地方
且降職三級戴罪督催仍限以三月內照數

完候撫按咨報方准開復如再怠行稽遲卽
數內各例處分斷不能爲諸臣貸也蓋必邊
安而後內地安又必餉額足而後兵力足值
奴挿交訖流賊猖獗在各邊鎮見支與歷欠者
併交催在邊餉司見月與後月刻期
奏報而太倉固朝不謀食也乃各郡邑尚多空
逋延將謂民貧而呼不應彼全完者何以催
兼撫字抑謂道遠而運不前彼早完者何以
數復如期總之玩愒相仍牢不可破是非

故等項各官今雖不便追論而經管未完錢
自當責成見任各官查照帶徵之例星夜催
前來以續目前中斷之若若借口延捱而推
明旨則臣部惟有白簡在耳既經該司查明前來
應覆

請恭候

命下臣部移咨吏部及通行各該撫按將開載查
省直府州縣各官悉行遵照住俸降罰有差

俟錢糧完及分數撫按查明咨部方准題

請開復庶

功令有畫一之法京邊無逋負之虞矣

崇禎四年四月初十日具

題本月十四日奉

聖旨這查叅京邊未完府州縣各官既經詳覈依
分別降俸降級調用革職其已經陞調的着於
任衙門照例罰治見任戴罪督徵的着該撫按
催完解如未題開復不許朦朧陞考三年分本

一體處分念積習久沿向未申飭似應議
准照災疲地方降級戴罪依限催完再若玩違
行並治欽此

特叅遲悞限單各官疏

題爲驚捧

明綸特叅遲悞限單各官以信

功令事邊餉司案呈崇禎四年三月二十七日奉

本部送戶科抄出該本部題爲按月

奏報事等因本年三月二十六日奉

聖旨按月奏報未完分別難易議罰正須確核始足
示懲這奏內如奸商聶廷璋猾解黃國卿及拖欠
光祿寺錢糧各官王從義侵冒荒田銀兩等項屢

催不應俱混列未過限款內又如京通二屬
欠糧過限尚未銷算各省直限單有全未繳者
以難完議寬至河南查核宗祿行文在十一月
以易完議懲如此分別成何綜核該部明以奏
爲故事外吏何得不玩該司官姑不究今後有
等的叅來重處該科記着欽此欽遵抄出到部
司除事隸各司者聽各該司案呈外所有頒發
限單一件事隸本司案查崇禎三年二月內該
本部覆戶科給事中葛應斗題爲外解難緩等

事奉

聖旨這所奏工食透支京邊拖欠司府那借胥吏俸
沒情弊灼然註單報部嚴限查叅催法亦簡捷可
採足見該科留心國計該部速與覆行欽此欽遵
隨該本司呈堂覆議創立限單與註京邊錢糧
酌緩急爲先後準道里定

欽限頒發省直遵行去後未見報到復該本部于崇
禎三年十月內題催爲遵

旨摘舉過限事件等事奉

聖旨錢糧拖延特設限單以憑稽核如何處
着行各撫按嚴加申飭催解未完依議展限再
的叅來重處欽此欽遵復該本部星檄亟催立限
年終完繳今經數月查有銀額解完原單悉繳
者有單雖繳完與到部銀數不合而駁回者又
有京邊未完希圖抵塞而混摺別項之銀以填
報者又有將部發各州縣之空單填繳而部科
掛號原發省直之總單反遺者種種參差查駁
至再而催愈亟應愈緩蓋繇先填之差錯以致

改正之煩煩見今奉

旨切責相應分別叅罰勒限通完案呈到部該臣等
看得正供邊餉猶枵腹以待饗餐毫釐不容少
緩而設單立限又猶疆域之有畔岸時刻不容
稍踰總之以急京邊緩存留杜司府那移之習
絕胥吏侵沒之端而已中間彙筭總額以省其
煩折分十限以饒其力掛號部科以重其事酌
量遠近以示其程令各省直內外同心封疆在
念自當雷電掣之而置郵速之矣何乃優游玩

忽漫不經心任部檄之頻催竟束高閣煩

明綸之有赫猶自稽遲第錢糧出之正項原非若以難而限期酌之道里又實寬之以易鉅意一限再限以至于三限而猶然不至也懲偷砭玩

有

功令在臣等斷不能爲各省直徇矣查限單全繳錢糧盡完者如廣東省南直安慶揚州太平各府并和州北直廣平府無庸再贅其有單雖繳而銀未完者如江西省南直寧國淮安廣德各

府州又有單全未繳及繳而未全并銀到而未全完者如浙江河南湖廣四川各省并南直常州鎮江鳳陽應天徽州池州蘇州松江廬州各府滁州北直順天保定河間真定各府等處統而論之在部科惟恐餉額之未完貽封疆以不足故汲汲然督限單以完非第催單實催餉也在省直又惟恐繳單之太速致徵解之難遲故泄泄然頻呼不應非不繳單實有難于繳者在也竊意各省藩司兩直各府原爲州邑領袖假

令各司府急于奉公而各州縣有敢故爲遲
者耶或全不繳或繳而不全或繳而差誤或繳
而掛漏事本明白簡易而故錯亂遷延期歷一
年限已屢易而繳者竟同晨星無亦惡限單之
有妨于已而欲以稽遲爲寢閣耶今欲逐叅州
縣恐滋煩擾而未便也不若直罰銀未完與未
彙繳之司府提揭要領以示懲創他如南直徐
州北直順德大名各府單雖未繳而銀俱已通
完山東福建單雖未全繳而錢糧見徵十分厭

徵五分俱已通完合無免其罰治勸限三個月
責令速繳原單如遲另議若浙江河南湖廣四
川江西各省并南直常州鎮江鳳陽應天徽州
池州蘇州松江廬州寧國淮安各府徐州廣德
州北直順天保定河間真定各府兼行佳俸責
令戴罪督催通限八月以裡繳完各官亦俟限
單完繳之日臣部查明具題方准開復庶久玩
之人心知儆而頒發之限單報竣矣既經該司
查叅前來相應題

請恭候

命下臣部移文各該衙門遵奉施行

崇禎四年四月十三日具

題本月十六日奉

聖旨限單不繳錢糧不完司府各官好生違玩這本
內所叅省直等處還查明各經營官職名另本開
來方使罰無隱涵其銀已通完單未全繳的核議
限三個月內通繳不得再違欽此

覆陝西賑院就近允支遼餉疏

題爲徹臣星馳入關兼訪秦賊根因及近日情形

恭候

聖裁事邊餉司案呈崇禎四年三月二十四日奉本部送准兵部咨該撫賑陝西監察御史吳姓題前事奉

聖旨這本說流賊情形甚悉兵民皆吾赤子守土各官貪庸廢削于拊循禁戢之法漫不經心以致良民化爲寇盜及勢未熾而撲滅功垂成而縱如故

文武將吏玩法尤甚本當論治如律始者

機刻期定亂吳姓去日已久着速宣布恩威撫

化逆不許諉延其延鎮額餉併就近允支事宜

部作速議覆給發延悞責有所歸該部院知道

此欽遵移咨到部送司案呈到部該臣等看得

朝廷之所重在封疆封疆之所急微臣濫竽度支其

于九邊額餉日惴惴不繼是憂而頂踵弗惜夫

亦惟知有封疆兩字耳詎料虜塵未熄橫池

生薊遼之輪輓正殷秦晉之疾呼邊至封疆事

大真如拯溺而救焚庫藏屢空惟醫瘡而割肉
見今臣部發銀五萬并兪山西加派五萬題奉
俞旨且夕啓行以瞻晉矣迺三秦重地軍餉急需昨

蒙

皇恩浩蕩專差御史吳牲賞發賑銀十萬臣部與兵
部各出五萬臣方幸溝渇之有起色而又恐沙
場之或枵腹也餉晉未了急議餉秦忽睹賑臣
星馳入關一疏直窮流賊根因無遺措寫猖獗
情形如畫非直見者刺心抑令聞者酸鼻臣願

何忍急勸遣而緩奏言也。願臣又謂延鎮
之餉計臣寧悞封疆而必不肯慨發數十萬以
濟然眉則無如就近允支陝西遠餉尤急者
夫悞封疆何罪而寧悞封疆又何心哉。幸蒙
皇上憐臣愚鈍不卽加誅則臣可無辯第延鎮京
年例從來發不及半臣待罪後竭蹶奏原未敢
遲悞留用遠餉等銀原未敢虛抵請以歷年解
發該鎮邊餉爲

皇上陳之延鎮每年額該民運折色銀一十八萬

千九百六兩四錢二分本色糧八萬二千六百
六十石二斗二升京運銀四十一萬一千六百
兩一錢四分除民運係彼中徵收不開外崇禎
元年分正月起至八月上旬止臣部前官共解
發過銀九萬九千七百一十兩四錢自八月
中旬履任至歲終止共解發并扣抵過銀一十
四萬九千尚欠未發銀一十六萬二千七百九
十兩一錢五釐則臣受事未幾而未能卽完也
崇禎二年分共解發并扣抵過銀三萬七千

千七百二十七兩一錢二分五釐尚欠未

三萬九千八百七十三兩一分五釐則以庫

戒嚴而外解中斷也崇禎三年分共解發并起

抵過銀四十一萬八千六百五十八兩四錢

分五釐俱照數通完今崇禎四年分春季該

一十萬二千九百兩於二月內題差本部主

韓謙中書翁逢春起解亦照數全完臣憤流

之方殷慮勦補之無餉多方奏發蓋已殫竭

力矣若謂吝不肯發則積儲者今何在而慮

者竟安歸乎又該鎮崇禎三年分年例臣部
先支秦中加派新餉銀一十三萬七千兩有因
秦中鄉紳具題請免而與之者有因秦中撫按
具題緩徵而與之者目今延撫咨報所免遼餉
業已作數支銷似未爲空談也今秦中勦捕流
賊需餉甚殷賑臣又云無如就近免支遼餉爲
急着夫權此日之得濟惟遼餉則臣部前日之
免支遼餉其非望梅又可知矣輾轉思維邊情
孔亟臣不敢不乘便免支以採秦中之危又有

取與該先交米平前項之額除延鎮春

通完外查夏季年例共該銀一十萬二千九

兩三分臣部非不欲槩發京運而無如外解

斷太倉如洗何也今臣以餉晉之例餉秦即

夏季年例令京運與秦兌中分而兩認爲各

五萬一千四百五十兩一錢五分可乎如以

季爲目前應得之物或猶存乎見少請以該

新餉再兌二萬作爲秋季年例亦非臣部所

新也該省西鳳漢等府向稱沃壤四年新餉

當催徵起解之時則一先支間可省起解跋涉之勞可免等待濡滯之苦若京運一項臣部正苦窘迫無措容再委曲那奏給發務於四五月內通完足矣其應撥補新餉銀項容臣自於本倉外解至日籌之良以一家之中難分胡越一體之中自關痛癢誠不得別有爭執其間也惟是此一遠餉也催之臣部則爲援遼之急需於支該省便成逋負之故習所賴賑臣及督撫按臣霜威鐵面自簡糾殫而後三秦有司輸將

有奇尚未盡完以後解京轉發又全未到亦
督催起解以爲隣省災荒之助不宜視爲
者也仰祈

聖明俯賜矜察

勅下臣部轉行各該衙門遵奉施行

崇禎四年四月十一日具

題本月十六日奉

聖旨延餉先支銀數知道了該鎮屢請必應正

撫按賑各官相機協力蚤靖地方若師老財廢
無結局罪責何辭該部併行得示欽此

覆各鎮月餉各處地方便宜支給

題爲邊餉驟更支放軍情衆口難調仰祈

聖鑒垂示畫一以便遵守事邊餉司案呈崇禎四年

二月二十八日奉本部送戶科抄出陝西總督

楊鶴題前事內稱軍丁有新有舊舊兵多新兵

少若儘見月則新兵得矣如舊兵何項復取固

原道奉到撫臣案驗准戶部咨爲道

旨回奏事條議三款內有查明各鎮定爲通融補給

之法亦須餉司京民二運稍有贏餘預辦此二

三月之餉而後可源源接濟若不能行則不
其已也計臣之意恐有窒礙難行似亦未嘗膠
柱今必欲自九月爲始按月現支自正支之外
京民二運何處更有贏餘補給從前歷欠竊意
陝西三邊兵皆額足之兵餉皆額定之餉各兵
止求一年足一年之餉原未嘗欲新舊兼支似
不如照嘗支放行所無事等因本年二月二十

七日奉

聖旨戶部確議速覆欽此又奉本部送戶科抄出直

隸巡按胡良機題爲設協將
撫臣疏呈
詳明微臣再抒膚見懇乞

聖明勅部議行以垂實政事內稱額軍宜招而招何
容易鎮城月糧遠期不遠其他城堡茲已跌欠
四月所招新軍必至四月開糧則衆人能枵數
月之腹而執干戈以待者乎旣不能按月還舊
軍而復按月新軍何如有一軍與一軍之糧
當一日軍食一日之糧或新舊一例開支或新
舊兩冊開載事在餉司爲政此軍糧所當議也

等因本年三月十七日奉

聖旨這奏內墻工軍糧事宜該部一併酌覆邊方
事亟資廉幹據奏該鎮缺員過半着作速遴補
得仍以袁庸充數該衙門知道欽此欽遵通抄到
部通送司除墻工銓補等項合聽吏兵二部
議覆外查陝西總督楊鶴條議補欠之法及
按胡良機題議軍糧事宜相應併覆案呈到
該臣等看得邊疆之事彼此互異遙揣于局外
不若親歷于局中看見之真而言之確也故事

貴員通機難膠定惟求有利于封疆今昔之
域不足拘矣先該臣以九邊之壓欠數多見
之給發難緩嘔心擘畫畢力調劑議月支法
以去年九月爲主要見其營支至某月換順
序支給每月止支一月不得比例取齊不得
昧躲閃議補支法其逋欠在一年外者除月
外每兩季多發一月計一年補發二月逋欠
一年內者除月支外每年補發一月奉有

俞旨遵行在案原不欲以舊補之欠致停新軍之

又不欲以急新之故而損舊時之久
總爲九邊籌良策而就意軍情有宜有不宜
俗有便有不便也今據直隸按臣胡良機疏
新舊一例開支或新舊兩冊開載蓋以舊軍
有壓欠之當補新軍不能枵腹以荷戈令補
之法行新軍不患無月支而舊軍又多得補
是新舊兩利之術也然于舊尤更利則臣部
支之法似于三鎮便又據陝西督臣楊鶴疏
新舊參差搭放以啓弊竇不如照常支教以

所無事蓋以三秦兵皆額足之兵餉皆額定
餉各兵止求一年足一年之餉原未嘗欲
兼支若欲計欠之久近以帶補必餉司預辦
二三月之贏餘而後可不則徒令軍丁開影射
之端吏書弄高下之手是新舊兩酌之計也然
爲舊計正以爲新計則臣部補支之法是又
三秦不便臣試巽心于秦晉之間置身于舊新
之際總之補支見支統期圓滿九邊之欠額而
宜彼宜此是惟設誠力行之在人持籌計短長

執長各情終隔于馬腹是當

勅下各邊督撫巡按責成司道各隨地方便宜果
例關支而兩冊開載便則給新與補舊雙行
嫌變通以慳衆願如照常支放以行所無事
則清釐與消弭並重又何必更張以亂人心但
求宿飽之有濟又何同異之足拘臣部亦惟
孜孜焉額餉是圖環轉于不停之軸而已其
徵兩臣之參伍也寧可以分數計哉既經督
并按臣各具題前來相應覆

請恭候

命下巨部移文各邊督撫按遵奉施行

崇禎四年四月十六日具

題本月二十日奉

聖旨各鎮月餉支給既難畫一着該督撫官酌便行
但須奏報詳明毋致彼此清混欽此

覆宜廿二鎮鼓鑄行止事宜疏

題爲明職堂以重邊防酌鼓鑄以規永利事邊餉
司案呈崇禎四年三月二十五日奉本部送戶
科抄出宜府巡撫沈際題前事內稱宜鎮鑄局
前因炸炮廢銅而開權宜非久計事屬餉司荆
之琦轉道帶管輕車熟路計兩歲來廢一萬四
千九十四兩之息然已慮兼攝之難矣茲副使
范鑛申前道呈詞還餉司職掌乃鑄本原出餉
司絕利一源以通圖法非圖避嫌省事者願宜

鎮內臨關隘外逼虜衝非泉流之地無封
烏得不壅古錢法分道任土有鑿紅崖以開爐
疏拒馬以省運者今楚蜀間關至此彼輦銅而
來不能飛錢以去錢壅而賤故初爐每銀一兩
易錢六百文今且易錢七百二十文錢漸增而
軍餉如前數是急公節費之心未免蹈省陌弊
配之弊猶幸間支未怨耳年來生息乃荆之琦
百計釐剔博此贏以佐修邊急務救錢荒而得
壅則地實限之宜鎮軍之糧料幾十萬石撫賞

歲費絹布幾十萬端。誠爲經費。則帛產于鄉。粟
乘其稔。大農大賈。蔚爲國寶。卽平糶撫賞二事。
節存當不止。此按臣蒿目時艱。惜鑄本不能卽
果。儼軍之腹。臣等因謂此中鼓鑄稍迂也。果其
願阜堯舜之財。不必盪鑄禹湯之弊。惟本計焉。
加之意而已。庫鉛尚餘前發銅價八千兩。陸續
催到。應卽竣前局。以聽部覆。行止等因。本年三
月二十三日奉

聖旨。該部酌議具覆。欽此。又奉本部送戶科抄出甘

固糧儲員外郎郭應馨奏爲仰遵

明旨恭報崇禎三年冬季錢利抵充年例事內稱臣
于崇禎三年六月起九月止搜括糴放鼓鑄共
得銀一千二百二兩零十月內疏報抵充甘鎮
崇禎四年春季年例以後每季鑄錢生利以三
百七十兩爲率臣又自去年十月起每爐用鉛
三千一斤八兩銅一百三斤匠役工食并錫炭
銀三兩鑄金背錢每文重一錢除折耗外得錢
一十八萬文至十二月止共鑄六十五爐用鉛

二千四十七斤八兩每斤價銀一錢一分六釐
共用銀二百三十七兩五錢一分銅六千六百
九十五斤每斤價銀九分八釐共用銀六百五
十六兩一錢一分匠役工食銅炭銀一百九十
五兩監鑄員役廩食銀一兩五錢以上共用銀
一千九十兩一錢二分鑄錢一百一十七萬文
每錢八文准銀一分已發餉准銀一千四百六
十二兩五錢除還工本外得利銀二百七十二
兩三錢零裁汰書役工食銀二十七兩六錢六

分五釐追還官布花銀二十二兩三錢九分
上共銀四百二十二兩四錢三分五釐應抵其
鎮崇禎四年夏季年例等因四月初七日奉

聖旨戶部知道欽此欽遵抄出到部通送到司案呈
到部該臣等看得圍府之利固理財者所不遺
也然必因人之能相地之宜乘勢之便而後泉
流地上利溥邊陲案查宜鎮從來未聞有所爲
鼓鑄也鼓鑄自餉司荆之琦始主其議而代爲
題請開鑄者先宜大督臣王象乾也奉

聖旨覽奏鼓鑄季報護息卿前條議實行餉司才用
槩見着遵承督鑄歲息作何支銷着一併議覆該
部知道欽此該司受事未幾獲息二千五百兩議
支銷而請爲優易以鼓任事之心者臣部也奉
聖旨這鑄息及鹽糧節銀已有旨准該鎮修邊急需
荆之琦資深勞着量加服俸以需優擢該部知道
欽此嗣後臣部于崇禎三年二月內覆荆之琦
擬立歲報之新規疏內開原報鑄息一萬兩鹽
糧本色樽節米豆二萬有零并該撫樽節銀二

萬餘兩連兵部先發馬價二萬兩統計本
七萬有奇合聽該撫隨便動支分給各官燒厝
辦料刻日計程工完之日具奏開銷此後每年
于節汰五萬內量扣二萬五千兩并鑄息一萬
兩共三萬五千兩充該鎮之年例等因奉
旨遵行在案今荆之琦就調離任撫臣沈祭疏報本
官駕輕就熟計兩歲來贏一萬四千九十兩之
息而見在庫鉛并前發銅本八千兩之數不與
焉茲以邊地阻隘而錢流滯鄰封並鑄而銅價

高且錢數日增餉軍如故俱屬未便種種參酌
總謂博息于鼓鑄之利微不若存節于平糴
賞之利大耳雖滄海不擇細流而經

國必規遠大邊臣身在局中是必見之真而言之
的也況平糴撫賞之利邊臣得而主之圖其大
而略其細寧肯以彼易此耶詳撫臣鼓鑄稍迂
之情奉

聖旨酌議具覆之

旨宜鎮鼓鑄似已之便若夫平糴撫賞存節之數生

息之門仍聽撫臣確酌條奏俾得藉籌邊之
猷以舒目前之窘困臣部實有厚賴焉至若甘
鎮從來亦無所爲鼓鑄也鼓鑄自餉司郭應鑿
始允其請而見爲救時裕邊委資鼓鑄者今陝
西督臣楊鶴也該司疏報奉

聖旨郭應鑿搜節糴鑄二本生息抵餉歲以爲準有
裨邊計着與紀錄摠奏月餉新舊兼支尤屬兩利
該部併與酌覆欽此覆其議而風之以本生息又
以息作本者臣部也奉

聖旨郭應響留心邊計着益鼓勵任專帶補舊餉前
已有旨今甘肅所請新舊兼支該部既難定議過
行該撫按從長確酌具奏欽此隨經臣部移劄該
司倍加淬勵今據該司疏報自去年十月起至
十二月止共用銀一千九十兩一錢二分鑄錢
一百一十七萬文准銀一千四百六十二兩五
錢除還工本外得利銀三百七十二兩三錢零
并裁汰書吏工食及清追還官布花二項共銀
四百二十二兩四錢三分五釐抵充該鎮崇禎

四年夏奉年例是各鎮所報之數皆多
而該司所報之生數益于額外倘季季相仍自
可源源不息則百鎮之鼓鑄又似行之便然臣
因此而更有進焉治國如治家凡料理家事必
先計其可久而後見于行則乘勢待時素封也
至若規利目睫而旋作旋輟議論徒煩無裨
國用所望撫按諸臣悉心商酌兵道餉司協力
勦務規久遠之圖勿泥目前之見邊陲長利實
式憑之矣恭候

皇上裁察

勅下臣部轉行各衙門遵奉施行臣等不勝悚息待命之至

崇禎四年五月初四日具

題本月初七日奉

聖旨各鎮鼓鑄原非舊例總在撫按道司規酌長便以裕邊計道宜甘二鎮行止事宜俱依議欽此

覆津撫條議兵馬錢糧諸款疏

題爲遵奉

明旨酌議清覈兵馬錢糧確數以釐弊蠹事邊餉司
案呈奉本部送戶科抄出天津巡撫翟鳳翀題
前事條議定經制嚴勾補時操練清糧餉設將
官議廩餉製器械仍家丁衫襍支等款緣繇崇
禎四年三月初八日奉

聖旨該部覈議具覆欽此又奉本部送戶科抄出前
遼總督張鳳翼巡按直隸御史甘學澗巡關御

聖旨已有旨了該部知道欽此欽遵抄出到部
到司除嚴勾補時操練設將官製器械仍家
合聽兵工二部具覆外所有定經制清糧餉
廩餼核禱支事隸本部相應摘覆案呈到部
臣等看得今日之兵隸之尺籍者非不在在
足而名有實無則影冒之窟居多也今日
輸之邊圉者已自源源不息而暗耗明銷則
卮之孔未塞也今按天津撫臣翟鳳翀會同

遼督臣張鳳翼保人撫臣丁魁楚按臣甘學淵
關臣張學周具疏 具于天津海防等營官兵馬
羸本折糧餉并操練脩防事宜據府司道之會
謀叅督按關之斟酌一洗從來力爲釐剔經
國壯猷灑灑言下真今日兵餉之虧症而疆場之
藥石也所扞條議九款奉

旨下部臣謹撮其開切臣部之議而覆覈之一經創
宜定夫兵隸于伍最紛囂亦最整截惟視經創
之定與不定耳今撫臣議首稽兵馬之原類

一定之額數本折無增減之參差新收者收
人非收以名開除者除其人卽除其餉行之
猝卽可垂之末久是束紛之要術整截之規
所當依議亟爲刪定者也一糧餉宜清夫軍
之本折屬萬姓之脂膏而不實加查核脫以
曠有餘供貪弁乾沒尾間又何抵焉撫臣
左右兩營軍多缺額且有散處寫遠者俱不
赴關支冒濫從此生矣嗣後支領數目須查

經制爲準其逐月士馬應支木折草料遇有缺額卽按數扣除備細報院達部則有一分節贖卽得一分實用而解領批文與支餉冊領俱向該撫衙門掛號是心計之所到卽躬親之所到所當依議力爲清釐者也一廩餼宜議夫各弁荷戈從戎自有應得廩餼近諱廩餼之實數而坐薪水之濫流則薪水正虛冒之別名也撫臣議將官月支銀二十兩中軍四兩五錢千總三兩卽在正項銀內通融支給而紙割等項皆在

為薪水襍流盡行裁革夫先祿養而後祭
定經制而後杜濫觴已經臣部題覆未鎮餉
刁化神疏請革此項奉

旨允行所當依議再為申飭者也一襍支宜核夫
以襍名至勢也支者與之俱襍則不免於萬
千絲襍者註有定支亦未始不條分縷析今
臣謂津營外如

御馬等軍滄州等衛歲支米二萬五百餘石何
非辛苦何處無弊端議程事以定人而復按

以給米定一人必灼見其非額情領一米必
見其非冒支將營伍之狐鼠立消而錯出之
路歸一所當依議力爲查覈者也以上東營伍
之紛紜酌軍楮之節曠而正名祛弊核實清
其于諸臣擘畫兵餉之苦思庶幾其少快哉
既經督撫按會題前來相應覆

請恭候。

命下臣部移文督撫并咨都察院轉行按關御史
體遵奉施行

崇禎四年五月初九日具

題本月十二日奉

聖旨這覈覆各款依議行還着該督撫經畫清查實
心力任務期不托空言欽此

覆京卿唐暉催餉事竣銷筭錢糧疏

題爲京邊盡數解完徵臣差事已竣遵

旨回奏事邊餉司案呈崇禎四年四月十七日奉本
部送戶科抄出太常寺少卿唐暉題前事

奏報原催湖廣京邊盡數解完并開復舉薦各官
緣繇 本年四月十五日奉

聖旨該部知道欽此欽遵抄出到部送司案呈到部
該臣等看得三楚遼瀾賦額浩繁兼以黔餉漸
工相繼征辦物力有限供億無窮其逋負相沿

有錄米免肩催餉之任者自非上下交孚
周至卽日煩空文嚴行切責而欲其急公恐後
輸輓如流正未易易言也京卿唐暉卿

命趨楚查原催節年京邊銀并汰冗及藩工銀共二
十四萬四千三百八十兩有奇今除南北直隸
鳳陽順天等府并福建江西河南山東山西未
完該省協濟借過臣部太倉銀共四萬八千九
百七十兩九錢零已經臣部覆

准載入省直考成項下見在催解抵補外該省實該

解銀一十九萬五千四百零九兩一錢臣等按
冊覆查南京工部未完協濟借過臣部太倉具
平銀四萬九千二百五十二兩二錢九分五釐
內除部撥銀二萬五千兩買運銅筋又于崇禎
三年十一月內差官班文煥解過銀一萬三千
八百七十八兩尚少銀一萬零三百七十四兩
二錢九分五釐據司冊稱將外省直應解協濟
本省鋪設銀內撥派解部抵還訖又查藩工借
用及汰冗銀共一十四萬六千一百一十七兩

九錢零內於崇禎三年八月內差官解過

過銀九千三百三十一兩四錢七分零崇禎三

年二月內差官毛鎮解過銀三萬五千三百五

十一兩九錢四月內差官劉懌解過銀四萬三

千兩五月內差官王文燿解過銀三萬兩七月

內差官張文芳解過銀二萬八千四百三十四

兩五錢一分零以上共扣抵解過銀一十四萬

六千一百一十七兩九錢零外又崇禎元年後

額扣弄多開銀三十九兩五錢九分二釐前後

通筭原催京邊及汰冗協濟二十四萬四千
百八十兩之額委已盡數解完此固士民好義
使然而京卿撫按司道郡邑之多方催償畢力
終事可樂見矣但其中以鋪設重抵并冊載多
開者尚不無可議焉大都錢糧欸項起借貴自
分明前此四萬八千九百有奇之數四係該省
那借者自應還之于該省乃臣部代為身任之
而覆

催補原非獲已今該省復以鋪設抵欠額欲將前

作一筆年銷勿論政令不便云云且
代爲償負而又責臣部轉爲索欠亦似大不
矣况彼此混淆互相推諉前銀將安所着落
及查商稅一項據臣部會計冊內開每年帶
銀該一千四百八十八兩一錢二釐三毫據
省進

表冊開每年該徵銀一千五百兩今查元年商稅銀
楊廷承解銀八百兩胡應龍解銀二百兩徐大
蔭批文又開解銀五百四十兩較之往例似

四十兩之多復奉天啓七年該省商稅止解銀
一千四百六十兩以元年四十兩扣補適合
千五百兩之數且商稅流動卽進

表冊已浮于會計冊豈該司欲以抵正項耶案墨且
存折扣難再是原欠南工未完協濟銀一萬零
三百七十四兩二錢九分五釐并商稅未多闕
三十九兩五錢九分二釐零所當責成撫按轉
督司府早爲設法如數解補以完原額其鋪設
之欠該省自爲催解可也又按京卿疏所請闕

復者如湘陰縣知縣余自怡江陵縣知縣
豹松滋縣知縣費應宿潛江縣知縣李自問木
興縣知縣甯養初桂陽縣知縣鞏國華興寧縣
知縣張大觀宜章縣知縣甄尚曾以上各官前
之京卿叅罰原以逋欠蒙謫今各照額全完相
應如京卿議移咨吏部准其開復者也又疏所
請一體紀錄以備擢用行取之選有京邊完而
工部料價無不完者如武陵縣知縣宋學顯桃
源縣署印陞任同知張夢時崇陽縣知縣徐舉

問長沙縣知縣中記言善化縣知縣黃承中
夢縣知縣李應甲麻陽縣知縣洪化行郎縣知
縣王師臣南漳縣知縣趙士翔穀城縣知縣童
養淳宜城縣知縣張湖有京邊見徵完而帶徵
并完者如荆門州知州嚴中立黃岡縣知縣吳
允初麻城縣知縣蔣煜蘄水縣知縣李汝燦臨
武縣知縣徐開禧湘潭縣知縣陳文燿湘鄉縣
知縣涂世延衡陽縣知縣陳以蘊衡山縣署印
推官蔣有成來陽縣知縣李日新安仁縣知縣

林昌毅定陵縣知縣徐應乾平江縣知縣
敬新寧縣知縣陳懋官德安府知府程策襄陽
府陞任知府于發藻以上各官京卿俱登紀錄
以廣風勵之門臣部亦應如京卿議以作鼓舞
之氣者也至于布政使杜詩經承督催夙夜匪
懈急公苦心委難泯滅故京卿特爲拈出以着
勤勞及查

覲參該司計欠一分以上降俸一級今於叅後續解
已完及九分二釐以上原降俸級應與開復者

也既經寺臣具題前來相應覆

請恭候

命下臣部移文吏部并該省撫按轉行各屬一體遵
奉施行

崇禎四年五月十一日具

題本月十四日奉

聖旨錢糧銷筭欵項宜清這湖廣借用該部銀兩豈
得以鋪設協濟混抵還着該撫按併商稅零欠通
督司府速行如數補解所請開復余自怡等紀錄

宋學顯等既經查明俱依議杜詩另有旨

題叅限單不繳錢糧不完司府職名疏

題爲驚捧

明綸特叅遲候限單各官以信

功令事邊餉司案呈崇禎四年四月十七日奉本

部送戶科抄出該本部題前事查叅省直司府

不繳限單不完錢糧緣繇本年四月十六日奉

聖旨限單不繳錢糧不完司府各官好生違玩這本

內所叅省直等處還查明各經管官職名另本開

來方使罰無隱溷其銀已通完單未全繳的依議

限三個月內通繳不得再違欽此欽遵抄出
送司除銀已通完單未全繳如南直徐州北直
順德大名府并山東福建等處

欽限三個月內通繳已經行文督催訖所有限單不
繳錢糧不完應叅司府職名遵

旨查明相應具題案呈到部該臣等看得限單之設
爲省直完解錢糧張本故催單正以催餉而稽
覈不容少疎者也先該臣部遵

旨查叅不繳限單各官止列地方不具職名奉

旨還查明各經管官職名另本開來臣等欽遵卽照
前月覲參司府職名查有卑雖繳而銀未完有
單全未繳及繳而未全并銀到而未全完者如
江西省今降級布政使何應瑞浙江省今調簡
經管布政使董承詔河南省今降級經管布政
使楊公翰四川省今降級經管布政使李敦復
湖廣省今降級經管布政使杜詩內直寧國府
今察處經管知府黃夢松淮安府署印今降級
經管同知張元弼常州府今告病經管知府石

萬程鎮江府今降俸經管知府陸懷玉應
今降級經管通判成克延徽州府今降級經管
署印推官魯元龍鳳陽府今罰俸陞任經管知
府晏日啓蘇州府今降級經管知府史應選於
江府今降級經管知府方岳貢廬州府經管知
府嚴爾珪廣德州經管知州陳善學滁州經管
知州呂新周北直順天府今住俸經管通判鄧
履圓保定府今察處經管知府史躬盛河間府
經管知府石文器真定府今察處經管知府侯

應琛以上各官或藩屏一方或領袖闔郡不
率屬急公乃致大家玩愒單本明白而故爲
塗事本簡易而漫爲寢閣故逐叅州縣以滋煩
誠不如徑叅司府以示創也內除順天府通判
鄧履圓續查銀單全完并降住俸級及調簡察
處者例得免議外其知府嚴爾珪石文器知州
陳善學呂新周相應槩行住俸并原降俸級見
任各官責令一併戴罪督催至陞調察處離任
者合令新任及署印經營各官免其罰治速

完繳想司府爲各州縣受參而各州縣

敢漫不經心坐視上官之參而不救乎原限
月以理自當單無不繳銀無不完不則宜聽司
府開具州縣職名報部而參罰且移之州縣
既經該司查明職名前來相應具題恭候

命下臣部移文各該衙門遵奉施行

崇禎四年五月十二日具

題本月十四日奉

聖旨近來叅罰官員開列不明致多游移隱卸如該

部前疏明說省直司府興行住俸戴罪督催及這
疏回奏職名旣臚指何應瑞等各員云徑叅示創
如何又說例得免議止將嚴爾珪等四員住俸殊
欠明確還着分別詳晰來看欽此

數議蘇松等處兵餉事宜疏

題爲兵實虛而議汰餉應盈而云訕謹就臣查覈
確數據實上陳仰祈

聖鑒事邊餉司案呈崇禎四年五月初六日奉本部
送戶科抄出巡按直隸監察御史饒京題前事
內稱查得蘇松常鎮四府各營額設官兵軍器
總計二萬六千一百二十二員名每歲支用餉
銀總計二十五萬三千二百六兩三錢二分零
各營戰馬總計一百四十二匹每歲支用草料

銀總計四百八十二兩八錢五分自崇禎

前按臣王道直裁汰具題後不容復爲議裁臣
第課其實數實餉某一營若干兵每一兵若干
餉除吳淞一帶係臣親查外其餘據四府所報
各營官兵共得二萬六千一百二十二人以
授食多寡不等共餉銀二十五萬三千二百六十
兩零馬一百四十二匹料銀四百八十二兩零
此裁汰之定額定數無新舊增減之殊矣雖
伍習弊相沿或不能無買閑僱倩重冒之

綜覈之任在臣而時時稽查在兩道及海防屬
就中實按稽核又在總鎮以及叅遊守把哨總
等官必從中毫無苛剝虛冒則兵自實而餉不
虛尚有軍儲一項四府有五衛七所錯處於緊
要幫江臨海地方以備緩急年來吏胥上下交
搆縣總衛書控通年年不清至今軍儲有名無
實甚至相聚而譁無端迫挾是又不可不爲釐
正也等因五月初五日奉

聖旨該部查覈具奏江南財賦重地額餉養兵正項

詰戎弭盜饒京既知有吏胥侵餉等弊便會同
道江防等官銳意清釐不得姑徇該部院知道欽
此欽遵抄出到部送司案呈到部該臣等看得
財賦之區首稱吳會惟是江潯湖渚之間在在
足以藪盜極目海濱又島夷是隣則防衛之兵
馬誠不可一日無而虛冒之兵馬猶不容一處
有就其中綜核整頓是在撫按地方者加之意
而已今據按臣饒京會同撫臣曹文衡疏備查
蘇州府屬水陸管通共額設官兵軍選一萬三

千四百二十三員名每歲共額支餉銀一十二萬四千九百九十二兩九分零額設戰馬六十三匹歲支草料銀二百八兩八錢松江府屬水陸營通共額設官兵軍選五千七百六十四員名每歲通共額支餉銀四萬七千八百二十八兩一錢九分九釐九毫零額設戰馬七十五匹每歲支草料銀二百三十八兩零五分常州府屬水陸營通共額設官兵軍選四千二百二十五員名每歲額支餉銀三萬九千二百兩八錢

二分二釐額設戰馬四匹歲支草料銀三千
兩鎮江府屬水陸營通共額設官兵軍選二千
七百一十員名每歲額支餉銀二萬八千三百
五兩二錢戰馬草料向無編設此蘇松常鎮四
府邊餉之大槩也且于山川險要形勢利害之
處靡不指陳按其疏而水陸營制究在目中兵
馬額餉截然筆底可謂慮之周而核之詳矣第
臣部止憑撫按之數以磨勘而撫按又止憑各
府之冊以

奏報其額支之餉果盡飽士馬之腹耶其充伍之
兵果盡皆超距之儔耶從來將領之僮僕紙上
皆兵日用之供張何者非餉一切買閑催倩重
冒皆牢不可破之積習而今果盡改其弦耶是
在撫按道廳以全副精神爲整頓以大破情面
爲擔當勿指額設之兵而恣其影射勿視爲
額與之餉而無付逝波則核餉正所以精兵俾
東南半壁屹長城而

明旨所云詰戎弭者取諸此而格如矣至若軍儲

一項原與兵

剛並重譴按臣疏向因徵收

一之程支放

日游移之弊縣總衛書得竊其柄

而上下交構

歷年不清迫挾聚譁徒干軍紀是

誰致之而誰

歎之可訝也按臣扼腕利弊欲一

洗從前之習

而維新之則清釐之日卽積貯之

日况奉

明旨責成諒撫道

江防等官定能與按臣同心一德

勉副

明命共籌軍糈于不匱也既經按臣會題前來相應

覆

請恭候

命下臣部移文各該衙門遵奉施行

崇禎四年五月二十二日具

題本月二十四日奉

聖旨郡縣額兵舊制原有深意近來槩多虛冒名存
實亡併軍儲一項徒供吏胥侵欺衙門弊制全無
實惠及軍好生可恨這嚴議蘇松等處兵洵事宜
卽着該撫按及經管衙門悉心綜覈原額兵核將務

期弊竇一清以稱綢繆內地之音韻部遺存

部一同嚴飭欽此

覆查覈兵科印自備馬杏寄庫銀疏

題爲例馬糜餉欲循例必須責實謹據冊臚列仰

祈

聖明勅令道臣按匹印烙以求實用事邊餉司案呈

崇禎四年四月初四日奉本部送戶科抄出查

覈邊鎮兵馬兵科給事中馬思理題前事內稱

計各鎮報到之冊多有自備馬之例試數其自

備有一百二十一匹者東協也有四百六十四

匹者中協也有二百六十七匹者西協也有二

百五十三匹者團練鎮也有二百四十六匹者
南兵鎮也有三百三十八匹者西協之延綏營
甘肅營雲南營也他如關外遼東鎮則有三百
八十五匹關內山海鎮則有二百七十九匹通
州鎮則有八十七匹昌平鎮則有一百五十三
匹宣府鎮則有八十九匹寧夏鎮則有三百六
匹青州一營則有九十七匹總此周環鎮轄輪
蹄可矚今自備已三千八十餘匹歲計餉至三
萬八千三百餘金萬一有是例無是馬在今日

欲以折乾爲養廉在他日必以徒步而傳戰是
負

朝廷仍自負也請自今伊始專責道臣將該鎮官馬
及自備馬分別印烙乃臣又查大同冊開陣失
倒斃一項除一萬一千三十三匹明註不支餉
外更有一萬五千九百七十九匹據稱從餉庫
中領出寄交西路官庫或都司官庫聽候買馬
支用臣計其月餉共一萬三百七十六兩四錢
若以歲計之又可貯十餘萬餉矣不識此銀果

領在庫否但臣查各鎮扣軍有朋銀有積
有年例銀皆屬買補缺馬之需今多此一項亦
見馬額日增徒見餉額日缺聞該鎮七萬八千
餘兵缺餉幾一年餘矣卽不爲通融裒益亦當
着落存留臣不能不望

皇上并責道臣清釐也四月初二日奉

聖旨貪弁侵冒無厭發一弊端卽生一狡計虛伍
餉邊事何時得振這所奏責成道臣另印自備
匹嚴查寺庫餉銀均屬清釐要務該部便看

說欽此欽遵抄出到部送司案呈到部該臣等
得各邊鎮之有自備馬也相沿非一日矣想
朝廷立法之初意豈漫無稽查哉正望赳赳桓桓
董盡皆干城腹心之儔數馬以對必能精索于
牝牡驪黃之中求牧與芻必能馴養其一夕于
里之用雖營廄充牣終不敢自備之趨乘也不
料貪弁侵冒相習成風開支于紙上非不雲錦
成羣實按于廐中雖并駕駘鳥有案查先該員
鎮督治侍郎侯恂條議自備馬亦必經該道

過方許開支草料原有餘糧
部覆奉

俞旨依議行矣但尚未見遵行減劑尤恐托之空言
已者今查覈軍馬料臣馬恩理直探獎源請自
今始責各邊兵道著實稽核將該鎮官馬及自
備馬分別印烙較前部議法倍精詳合無將前
項開列營伍自備馬匹移咨各該督撫責成
逐一點驗印烙與督撫同城及遇出巡地方
一親行抽點有無馬而冒支者亟行裁革

倩馬而代點者卽行摘發其各官自備馬亦宜
再加裁節定爲限制完日申報撫按具疏奏
聞斯亦實營伍而清虛冒之一大關鍵也夫科臣以
查覈軍馬爲職者也蒿目邊疆痛心弁弊思

國計之空虛惟清冒爲可補故計馬之虛而旋籌
夫缺馬之餉虛兵之欠而轉慮夫寄庫之銀漙
察風裁字字碩畫不獨臣部藉以濟虛則從此
馬政軍儲胥賴之矣疏內如大同一鎮冊開陳
失倒斃一項除一萬一千三十三匹明註不支

餉外更有一萬五千九百七十九匹空厰積
銀據稱從餉庫領出寄交西路官庫或都司官
庫聽候買馬支用等情委屬可駭夫餉司爲餉
糧而設則一應錢糧無鉅無細均當出入于餉
庫按月逐項奏報而後臣部得執以銷算

皇上可憲以覈查若以空月扣存料草之銀不經
司掌管而分寄西路并都司等官庫勿論侵冒
乾沒等弊漫無稽查而收支不清奏報無據則
亦安用餉司爲矣案查崇禎三年十二月內

大同餉司周維新稟稱創馬料草皆各營奉
領去買馬與餉庫無與並無銀兩數目到臣
該臣部備運子節曠盡扣買馬之疏入

三
奉

聖旨軍餉馬匹屬急需節曠扣買亦是權宜之計

擬奏聖人無從抵補領銷易致朦朧還與兵部從
長酌議合奏周維新何故不具數報部有無私弊
一併查來欽此復該臣部備劄該餉司續據該司
回稱向來倒死馬匹空月料草銀兩解貯都司

衙門買馬

又用在餉司據道府冊領

料草銀兩

無數報部開銷果爾是料草一項

沿成例俱

當問之撫道不當問之餉司矣然則

係領去買

均支用者又責該餉司向臣部筭作

實放料草

開銷是無馬而有馬不應支草料而

妄支草料

則買馬與實放兩無着也先該臣部

移咨該撫

漸查節催未報茲讀科臣疏欲爲

融哀益着

落存留臣細閱之愧服無已該鎮

馬料草臣

部以隔絕而不及知餉司明知之

不敢問向非科臣徹底覘破其何以挽狂

禪實用哉除朋椿年例向充買補缺馬之

據科疏所稱空月料草月可得一萬三百

六兩零歲計即可貯十餘萬爲數不貲科臣

以補歷穴而慰軍心臣等前覆宣府餉司其

孚疏意亦若此而科臣從覈馬中覈餉一

查和盤托出夫買馬自管伍所急獨計兵難

設有馬價有站銀則不當用空月料草也

得已而用之臣部亦未敢吝如路冬

兩但當告之

聖明從實支銷庶便於稽查耳且餉司于各鎮

一一報部

奏繳乃其職掌顧有格于往例扼于牽制不
首舒眉一吐胸中所欲言則今日之爲餉司
不亦難乎仰祈

皇上申飭督撫再將各鎮將領自備之馬定爲
寧少無多其例不應得者裁之卽應得而無

者不經印烙卽行住支完日具疏奏

聞以後查照遵行末爲定例其大同鎮西路官庫
都司官庫所寄空月料草銀各係若干有無
馬亦湏查明入

告嗣後節曠銀兩不論多寡均要收貯餉庫或照
鎮近例一半買馬一半充餉明明白白具文
領以防侵冒之弊仍令餉司按月按季備述
奏報以便查覈不得依回含糊致部發可問節
不可問則百節通盤而周身之元氣狹洽

因科臣之條議而備及之恭候

命下臣部移文各督撫并咨都察院轉行按關
及劄各該兵道餉司一體遵奉施行

崇禎四年五月二十五日具

題本月二十八日奉

聖旨將領自備馬匹正欲騰奮衝堅若不經清稽
辨侵冒今後着該道點驗印烙方與開支還須
特查關以求實數不必執裁制之說致滋減削
國庫所庫銀兩有無買馬着該督撫查明具奏

後節贖銀着餉司按季開報以便查覈支用不
一任私領徒飽婪欺及台邊俱着一體遵行者爲
爾部通行傳飭欽此

覆查違悞限單司府叅罰疏

題爲仰遵

明旨確查違悞限單應叅司府各官事邊餉司案
崇禎四年五月十六日奉本部送戶科抄出

本部題爲驚捧

明諭特叅違悞限單各官以信

功令事五月十四日奉

聖旨近來叅罰官員開列不明致多游移隱卸如
部前疏明說省直司府樂行住俸戴罪督推

疏回奏職各員應指何處辦案
如何又說例得免議止將嚴爾珪等四員住德
欠明確還着分別詳晰來看欽此欽遵抄出到
送司隨該本司遵奉

明旨復將各省直違悞限單司府逐員查覈分別詳
晰相應具覆案呈到部該臣等看得例不重
二事俱發而從一論者相沿之故套也法無
貸悞一事卽坐以一事之罪者綜核之大權
先是臣等查叅省直違悞崇禎三年分限單各

官因叅州邑以滋煩不如徑叅司府以示

照前月覲叅司府職各槩擬住俸臚列入

告此一叅也凡各司府不繳崇禎三年分限單而

悞者均應繩以住俸之罰矣臣實謬迷拘拘

不重科之套隨將已經覲叅降級降俸各官

入免議之條止將嚴爾珪等四員住俸荷蒙

宸音誥誡指點積迷如呼大寐且仰窺

皇上明罰勅法之深意直令積玩羣工無處逃避

竊合章秋毫畢察真非尋常所能測度也

原叅有單雖繳而銀未完者 江西省已
降級見任布政使何應瑞寧國府已經察
任經管知府黃夢松淮安府署印已經覲
級經管同知張元弼廣德州丁憂察處去
州陳善學接管調簡知州李時又單未盡
繳而未全并銀到而未全完者浙江省已
叅調簡去任經管布政使董承詔河南省
覲叅降級今告病經管布政使楊公翰

覲叅降俸見經開復布政使杜詩四川省
覲叅降級見任經管布政使華敦復常州府
經告病去任經管知府石萬程鎮江府已經
叅降俸見任經管知府陸懷玉鳳陽府已經
任經管知府晏日啓應天府已經覲叅降級見
任經管通判成克延池州府見任經管知府
如洵徽州府已經覲叅降級見任經管推官
元寵蘇州府已經覲叅降級見任經管知府
應超松江府已經覲叅降級見任經管知府

察處降級去任經管知州呂新周順天府
覲叅住俸見任經管通判鄧履圓保定府
覲叅降級去任經管知府史躬盛河間府
罰俸見任經管知府石文器真定府已經
調簡去任經管知府侯應琛內除湖廣布政
詩單雖未繳銀已全完見今催餉京卿唐
叙紀錄新奉

明古已經開復并順天府通判邵履圓續

且銀

全完均應免議外告病布政楊公翰知府石
程調簡布政董承詔知府李時降級知府史
盛知州呂新周陞任降級知府黃夢松合俟
可并補官之日議罰外查淮安府同知張元
見陞應天府治中知府晏日啓見陞浙江左
政知府侯應琛見調辰州知府雖各離任應
彼處衙門罰俸三個月示懲仍責署印并新
各官上緊完繳銀單如遲卽正新任經營之

其餘布政使何應瑞等致復知府陸懷遠

推官魯元寵以上各官查覲叅內雖已蒙
俸級之罰然前愆與後過並呈此案與彼案
別相應移咨吏部并各該撫按槩行住俸勒
督催各屬照依八月以內限期盡將原領限
并未完京邊截數完繳仍俟撫按具題臣部
明開復其陞調察處離任者合責署印并新
各官免其罰治通遵前限完繳銀單庶彼
明而前後無所逃罪矣既經該司查明前

應具題恭候

命下臣部移文各該撫按衙門遵奉施行

崇禎四年五月二十六日具

題本月二十九日奉

聖旨俱依議欽此

覆宜大總督欲開礦彌治疏

題爲直述向來釀盜之繇併陳目前救急之策仰
乞

聖明立賜裁斷以安中外事專理邊餉山西司新餉
司案呈崇禎四年四月二十日奉本部送戶科
抄出大同巡撫張宗衡奏前事內稱流賊之局
豈皆生而賊者哉民窮則盜起窮愈甚則盜愈
多天下未有有衣有食之民甘心作盜者則舍
衣之食之之外更何道以挽之使不盜也世固

有天不愛珍地不愛寶取無禁而用不
開採是已富者出本貧者出力出本者得息出
力者得食處處如是時時如是有一個礦夫便
少一個流賊有百千萬礦夫便少百千萬流賊
其功效比殺伐萬萬倍也望

陛下嚴飭當事者慎選廉幹有心計之臣俾膺此任
民分若干官抽若干漸盈漸餘可以救窮民垂
斃之命可以佐軍興燃眉之急且可以儲異日
出塞之費一舉而諸善備焉等因奉

聖旨民窮盜熾總錄地方官不能實意撫輯先事消弭諸將觀望怯縮殺良剽尢可痛恨張宗衡簡任方新着悉心調度嚴申約束如有仍前玩諉不戰的大將立行叅處偏裨而下卽以軍法從事臨採前曾力任後又稱礦利甚微一府如此其他可推且礦夫屯聚日衆豈能無慮還着該部詳酌礦議具奏欽此欽遵批出到部復奉本部送准兵部咨同前事又奉本部送准通政使司咨封送山西土民岳獻忠及邊商胡公亮等奏爲流寇

行民困至極等事疏願捐資自行開採
批山西司查議題覆復奉本部送戶科抄出宣
大總督張宗衡題爲情懇籲

天仰祈

聖鑒事等因五月十八日奉

聖旨饑民亟宜撫恤着該督撫按嚴飭地方有司設
法安集毋致流離宋統殷兵荒交至一疏已允部
費錢糧酌量蠲緩了向見陝西各官曾有蠲賑以
贖鄉邦山西何以獨無開礦利害宜詳前已有旨

不得輕議該部知道欽此欽遵抄出到部通送到
司案查崇禎三年十月先該本官題爲雲壤甚
狹等事內稱大同爲鎮不過山西之一府耳其
餘六百里荒邊真若

天有所愛道而地有所愛寶也者臣自開採漸積幾
一年所僅得二百一十餘兩等因抄疏在案今
疏題請指山西通省而言兩奉

明旨下部詳酌不得輕議相應具覆案呈到部該臣
等看得今日之籌兵餉亦綦艱矣入之孔愈疏

而愈窮出之孔彌補而彌缺臣部多方變
在杯中挹彼注茲勉強支撐而終不敢開口
言及于礦則以利所聚者害所鍾目前之匱乏
可虞意外之隱憂更可慮也今督臣張宗衡謂
取無禁而用不竭無如開採果爾則礦之當開
無煩再計決矣試就督臣前後疏而細商之向
所謂利微者指大同一府言今所謂利大者遍
山西一省言也毋論利之鉅細尚屬渺茫藉令
利誠大矣然以全晉之廣處處有礦人人利礦

日日開礦事事靠礦不獨山靈寶氣痛地脉之
剝傷且令耕鑿力夫望金穴而馳驚逐末者衆
則本業愈荒歆利之念奢則爭利之力愈勁尤
而效之長此安窮乎况四方聞者皆曰開礦所
以濟饑爲民原非爲

國明示竭地之藏何妨恣其所取孰與稽出入之
盈虛孰與辨官民之分數孰是良民公事畢而
後敢治私事孰是良法可足

國而并可以足民有如控馭無憑綱領莫掣利權

悉爲衆操生財反以釀亂礦頭各樹黨與以爲
將爲戰場此不可不熟思也至于富者出本貧
者出力似矣彼真殷實者財源裕于生殖愛惜
先在身家豈肯冒險入礦而試之不測耶其托
名富者皆強有力而以礦爲奇貨可居者也欲
壟斷于羶途先聲言于大義既不難抗疏于督
撫之後又誰禁專利于衆人之先借公行私不
奪不饜恐礦之所出上無以佐

公帑下無以濟饑民而祇爲豪右開一吞併之術

則出本者不可不熟思也又况家貧者不一人
出力者不一手一聞鹿逐且晚蜂屯土著少而
遊民多烏合易而蟻聚衆千萬其群稽查無據
二三其說訛言實繁今日方欲開礦以止饑異
日恐難閉礦以散黨則出力者又不可不熟思
也大抵天地自然之利雖無過山澤然生民衣
食之源豈盡在開採地利不窮于五穀人力生
活于四時皆足爲俯仰之具倘司芻牧者自正
供之外不驚其作息撫摩之念並分其甘苦泰

爾蒼黎盡可以優游化日古人謂雖有天
敵仁政良有深意若以礦止盜如以酒解醒恐
酒未醒而醉又中之矣臣部借箸無策露肘自
慚雖不便首倡開礦之端而亦何妨恣息督臣
之議乃終不敢援其說而上

請者正恐謀始易疎意外難料萬一以措餉爲口實
臣懼滋大耳故寧甘曲謹之名不達時變未敢
開非常之原輕弛隄防然仰繹

明綸一則曰礦夫屯聚日衆豈能無慮再則曰開礦

利害宜詳不得輕議煌煌

天語凡臣等所管窺而欲申未議者皆

聖謨所日照而早徹幽隱者也臣等安能復贊一詞
耶督臣身在局內一

請再請皆救時不得已之苦心臣遙度利害不得不
高酌若此正所謂跡若相左而意實相成者耳
既經督臣具題并兵部通政司咨會前來相應
題覆恭候

命下臣部移文該督撫衙門酌覆施行

崇禎四年六月十四日具

題本月十七日奉

聖旨督撫控制地方權衡兵食自有綜釐生節長策
可圖開礦釀爨乖體不必行欽此